

Тамыс салғанын  
                    Чөгиг оттарын.  
Оларны пір чирге  
                    Піріктір көрзеңер,  
Көөлбегіне, көөленізіне  
                    Коммунисттернің  
Хайыларcych, неке,  
                    Пустығ тиңіс тее.  
Көк пора,  
                    чайхи чирнің пизігін,  
Хоолапча тигір төзінзер —  
Чир дее салыхпас  
                    Хызыл тиңіссер.  
Чахсаа  
                    Кізі көөлін көдірцең  
Көп аймахтың  
                    Паарсах іцезі,  
Көөленізім,  
                    Сарыным,  
                                    Россиям!  
Чарых оттың  
                    Сағып сағынын,  
Өөрлет турзың  
                    кізінің ізін,  
Истеністің  
                    өрчі сарынын.

## ПУРУНҒЫ ХУМАРТХЫЛАР

Мин пазох чолдабын,  
                    Нинценці күні,  
Санын даа ундаабын,  
Нинце кичігні,  
                    Пиллер алтаабын.  
Че хайда даа ползам,  
                    Пурунғы Хакас чирінде  
Көк поездтернің  
                    Кістезін исте,  
Табыстаң табырах  
                    Учухчаң  
Күмүс ханаттығ самолеттарның  
Күүлезін исте;  
Пүлес харахтығ  
                    Ах суур ууцалар чіли,  
Читон чыырбастығ  
                    Чүстерінең арынған чіли,  
Ала пулуттар тіреен  
Көп хадыл туралар сілиин  
                    Чапсырхап көре,  
Чыллар хойиина  
                    Чығыра пастырған  
                    күргеннерде  
Пурунғыларның хумартхылары,  
                    Пора көзөлер,  
Чығырын турчалар.  
Улуғ очкилер өтіре

Уйан харағым сыстаанца  
Көре,  
Музейде  
Мин оларға пазох тоғасчам.  
Пурунғы хоосчы  
Холынаң ухаанцы  
Пора тастың көксінде  
Чарых күн сустарын,  
Сағыннаң чили,  
Сусталдыра тамызып салтыр;  
Абахай ипчинің,  
Паарсах іценің,  
Оңмас омазын  
Оодылбас таста  
Омалап салтыр.  
Пурунғы устың  
Ухаанцы холлары  
Тамызып салған  
Күннің сустары,  
Чүзер чылларның  
Тозынын тобыра,  
Минің тузыма  
Чачырап сағылды,  
Көксимні өрти,  
Көрген көстерімні  
Чалтандыра.  
Алыптығ нымахтар  
Көглерінең  
Ікі хулаамны соолада.

Чатхан сыңырады.  
Ах суур аға-ууцаларымның  
Алыннаң аттығ  
Ызых тастары,  
Мин сірерзер  
Аданың аниин  
Ўредін салған,  
Ат-хуюн,  
Ахча-сай тіп,  
Хуруғ тіл,  
Хоңалтых өдии  
Халған  
Ир күлүгі чили,  
Килбеем,  
Мин сірердең,  
Пазырынып,  
Өл-чай тілебеем.  
Аға-ууцаларымның  
Ах суур пастарын  
Аарлап,  
Позым тузының  
Иң сіліг,  
Иң Ызых  
Сөстерінің пірсі —  
Коммунизмнің  
Пөзік чолларынаң,  
Пөрігім суура,  
Аарлазым,  
Хайхазым читірчем.

Алтын-күмүс  
Анааныңар үчүн нимес,  
Чүзер чылларның,  
Аарын,  
Хыйаннарын,  
Чүзе наңмырларын;  
Үзүт Арыгларнаң,  
Толбан Сарыгларнаң,  
Тас чүректернең  
Харбазып чөреен  
Алтын Арыгларның,  
Түгенмес Алтын Чүстернің  
Ай чалбаа молаттарының  
Саңын,  
Ханны,  
Өлімні,  
Өстестерні,  
Илег-чобағны тобыра  
Сірерні чазаан  
Пурунғыларның —  
Тимір, алтын-күмүс таптаңаң,  
Устарның,  
Чылғы хадарцаң,  
Чылбыраң тастарның  
Чарых күннеңер,  
Чарых күн осхас,  
іцедеңер,  
Сайбалбас амырдаңар,  
Тоозылбас тойдаңар

Хумартхы сағызын  
Узырбаан үчүн.  
О, ах суур аға-ууцаларымның  
Алыннаң аттыг  
Ызых тастары,  
Мин сірерзер,  
Кирі ууцам чіли,  
Пазырынарға килбеем,  
Мин сірердең  
Өл-чай тілебеем.  
Мында сірерге  
Чабыс арах,  
Чарадыңар,  
Піс Сірерні  
Өөр көдір салырбыс.  
Көріңер,  
Хайдағ чарых күн сілиин  
Піс пүүн  
Чарыт парирбыс.  
Сірернің хайрахханнарың —  
Ызых тасхылларың —  
Алып суғларың  
Пүүн тоғынча кізее,  
Кізі чайап салған сіліге.  
Истіңер,  
Пойли чазыда  
Көглепче кізі  
істеніс тойында.

. . . . .